

ИНФЛЯЦИЙН ХҮЛЭЭЛТ

ТҮҮВЭР СУДАЛГААНЫ ТАЙЛАН



**Судалгаа Статистикийн газар,
Судалгааны хэлтэс**

Энэхүү тайланд зөвхөн түүвэр судалгаанд хамрагдсан иргэд, аж ахуй нэгж болон шинжээчдийн эдийн засгийн төлөв байдлын талаарх хүлээлтийн үр дүнг нэгтгэн тайлагнасан учир Монголбанкны албан ёсны байр суурь биш болно.



ИРГЭДИЙН ИНФЛЯЦИЙН ХҮЛЭЭЛТ

1-Р БҮЛЭГ



ТҮҮВЭР СУДАЛГАА
2018 ОНЫ III УЛИРАЛ

1. Иргэдийн Инфляцийн Хүлээлт

Инфляцийн талаарх иргэдийн хүлээлтийн түүвэр судалгааг Дэлхийн банкны “САРІ” системд суурилан 2018 оны 8 дугаар сарын 14-нөөс 29-ний өдрүүдэд Улаанбаатар хотын 7 дүүргийн нийт 779 иргэнийг санамсаргүй түүврийн аргаар сонгон судалгааг гүйцэтгэлээ. Түүвэр судалгаанаас дараах гол үр дүнгүүд гарлаа:

- Иргэд инфляцийн түвшинг i) чанарын хариултын хувьд **2018 оны IV улиралд 8.4%**, 2019 оны III улиралд 9.1% байхаар; ii) тоон хариултын хувьд **2018 оны IV улиралд 4.6%**, 2019 оны III улиралд 5.2% байхаар; iii) мэдрэмж (үнийн өсөлтийг мэдэрч буй байдал)-д суурилсан инфляцийн хүлээлтийн хувьд **2018 оны IV улиралд 5.9%**, 2019 оны III улиралд 9.0% байхаар тус тус хүлээж байна;
- Судалгаанд хамрагдсан иргэдийн 86% нь 2018 оны эцэст инфляцийн түвшинг зорилтот түвшин болох 8%-аас хэтрэхгүй гэж хүлээж байна;
- Иргэдийн төгрөгт итгэх итгэл өндөр хэвээр байж, зээлийн хүү ирээдүйд буурна гэсэн хүлээлт давамгайлж байна;
- Иргэд эдийн засгийн байдал сайжирч, өрхийн санхүүгийн байдал сайжирна гэсэн хүлээлттэй байна.

1.1. Инфляцийн хүлээлт


Чиглэлийн индексээс харахад иргэдийн инфляцийн талаарх хүлээлт хандлагаараа 2017 оны сүүлээс буурч байсан боловч 2018 оны 3-р улирлын судалгааны дүнгээр эргээд өсөх төлөв ажиглагдлаа. Энэ нь иргэдийн дунд үнийн өсөлт нэмэгдэнэ гэсэн хандлага ажиглагдаж байгааг илэрхийлнэ /Зураг 1-1/. Гэхдээ чиглэлийн индекс нь инфляци хэвэндээ байна гэсэн мужид хэвээр байна.

Зураг 1- 1. Үнийн өсөлтийн талаарх хандлага /чиглэлийн индекс, ирэх 12 сар/



Эх сурвалж: Монголбанк, иргэдийн хүлээлтийн түүвэр судалгаа

Зураг 1- 2. Иргэдийн инфляцийн хүлээлт /чанарын болон тоон хариултаар/



— Инфляцийн хүлээлт /тоон хариулт/
 — Инфляцийн хүлээлт /чанарын хариулт/
 — Инфляци
 — Инфляцийн хүлээлт /Мэдрэмжид суурилсан/

Эх сурвалж: Монголбанк, иргэдийн хүлээлтийн түүвэр судалгаа


Иргэдийн инфляцийн хүлээлтийг тоон болон чанарын аргачлалаар тооцлоо. Чанарын хариултыг Карлсон-Паркины аргачлалд тулгуурлан тоон үзүүлэлт рүү шилжүүлж тооцоход иргэд инфляцийг **2018 оны IV улиралд 8.4%**, 2019 оны III улиралд 9.1% байхаар хүлээж байна. Харин иргэдийн инфляцийн хүлээлтийг тоон хариултад тулгуурлан тооцоход **2018 оны IV улиралд 4.6%**, 2019 оны III улиралд 5.2%-тай байна. Түүнчлэн өнгөрсөн үеийн мэдрэмжид суурилсан инфляцийн түвшин */perceived inflation²* **2018 оны IV улиралд 5.9%**, 2019 оны III улиралд 9%-тай байхаар тус тус хүлээгдэж байна */Зураг 1-2/*.

Хүлээлтийн чанарын хариултаас харвал иргэдийн 83% нь ирэх 12 сард үнийн түвшин ерөынхийдөө өснө гэж үзсэн бөгөөд үүнээс 25% нь үнийн түвшин илүү хурдацтайгаар өснө (өмнөх судалгааны дүнгүүдээс өссөн), 39% нь үнэ өснө гэхдээ өсөлтийн хурдац өөрчлөгдөхгүй гэж хариулжээ */Зураг 1-3/*.


Иргэдийн инфляцийн хүлээлтийг тоон утгаар асууж, хариултуудын жигнэсэн дундаж утгыг тооцон үзэхэд инфляцийг ирэх улиралд буюу 2018 оны IV улиралд 4.6%, жилийн дараа буюу 2019 оны III улиралд 5.2%-тай байхаар хүлээж байна. Өөрөөр хэлбэл тоон хариултын хувьд **иргэдийн дунд ирэх 12 сарын хугацаанд инфляци өнөөдрийн түвшнээс бага байна** гэсэн хүлээлт давамгайлж байна */Зураг 1-4/*.

Харин жилийн дараа инфляци 3-8% байна гэсэн хариултыг иргэд хамгийн их давтамжтай өглөө.

Зураг 1- 3. Ирэх 12 сарын хугацаанд үнийн түвшин хэрхэн өөрчлөгдөх вэ?



Зураг 1- 4. Иргэдийн инфляцийн хүлээлтийн тархалт /тоон хариултаар/




Эх сурвалж : Монголбанк,иргэдийн хүлээлтийн түүвэр судалгаа

²-Монголбанкны Судалгааны Товхимол-7. “Инфляцийн хүлээлтийг тооцох арга, аргачлалыг өргөжүүлэх нь” сэдэвт судалгааны ажлаас дэлгэрэнгүйг харна уу.


Хүлээлтийн тоон хариултаас харахад иргэд жилийн дараах хүнсний бус бүтээгдэхүүний инфляцийг 5.4%, хүнсний бүтээгдэхүүний инфляцийг мөн адил 5.4%-тай байхаар хүлээж байна /Зураг 1-5/. Инфляцийн хүлээлтийн талаарх хариултын тархалтаас харахад дараа жилийн хүнсний бүтээгдэхүүний үнийн өсөлт 4-6% байх хариулт хамгийн олон давтамжтай байна.

Судалгаанд хамрагдсан иргэдийн 86% нь 2018 оны эцэст инфляцийн түвшинг зорилтот түвшин болох 8%-аас хэтрэхгүй гэж хүлээж байна /Зураг 1-6/.

Зураг 1- 5. Инфляцийн хүлээлтийн тархалт /хүнсний, хүнсний бус, ирэх 12 сар/



Зураг 1- 6. Инфляцийн хүлээлтийн хуримтлагдсан тархалт /тоон хариултаар/



Эх сурвалж : Монголбанк,иргэдийн хүлээлтийн түүвэр судалгаа

1.2. Эдийн засгийн өсөлт, иргэдийн орлого

Эдийн засгийн чиглэлийн индекс өмнөх улирлын судалгааны дүнгээс бага зэрэг буурсан дүнтэй байна. Гэхдээ судалгаанд хамрагдсан иргэдийн дийлэнх нь ирэх 12 сарын хугацаанд эдийн засгийн байдал сайжирна гэсэн эерэг хүлээлттэй хэвээр байна /Зураг 1-7/.


Энэ удаагийн иргэдийн өрхийн санхүүгийн байдлын чиглэлийн индексээс харахад иргэдийн дийлэнх нь ирэх 12 сарын хугацаанд өрхийн санхүүгийн байдал сайжирна гэсэн хүлээлттэй байна /Зураг 1-8/.

2017 оны I улирлаас хойш иргэд ирэх нэг жилийн хугацаанд эдийн засгийн ерөнхий байдал сайжрахын хэрээр өрхийн санхүүгийн байдалд эерэг нөлөө үзүүлнэ гэсэн эерэг хүлээлттэй хэвээр байна.


1.3. Валютын ханшийн хүлээлт

Валютын ханшийн хүлээлтийн чиглэлийн индексээс харахад 2017 оны I улирлаас эхлэн иргэдийн хувьд төгрөгийн ханш чангарна гэсэн хүлээлт нэмэгдсэн, улмаар 2018 оны III улиралд явуулсан судалгаагаар иргэдийн дунд төгрөгийн ханш чангарна гэсэн хүлээлт өндөр хэвээр байна /Зураг 1-9/.

Зураг 1- 7. Ирэх 12 сарын эдийн засгийн төлөвийн талаарх хүлээлт /ирэх 12 сард/



Зураг 1- 8. Өрхийн санхүүгийн талаарх хүлээлт /ирэх 12 сард/



Тайлбар: Чиглэлийн индекс [-1;1] завсарт утгаа авна. [0;1] эдийн засгийн байдал сайжирна, [0] хэвэндээ байна, [0;-1] муудна.

Зураг 1- 9. Ирэх 12 сарын хугацаан дахь валютын ханшийн талаарх хүлээлт




Эх сурвалж: Монголбанк, иргэдийн инфляцийн хүлээлтийн түүвэр судалгаа

1.4. Хадгаламж, зээлийн хүүний хандлага


2017 оны I улирлаас эхлэн иргэдийн дунд зээлийн хүү буурна гэсэн хүлээлт нэмэгдсэн. 2018 оны III улиралд явуулсан судалгаагаар иргэдийн дийлэнх нь ирэх 12 сарын хугацаанд зээлийн хүү бага зэрэг өснө гэсэн хүлээлттэй байна /Зураг 1-10/.

Судалгаанд хамрагдсан иргэдийн дунд ирэх 12 сарын хугацаанд хадгаламжийн хүү буурахгүй гэсэн хүлээлт давамгайлж байна /Зураг 1-11/.

Зураг 1-10. Зээлийн хүүний талаарх хүлээлт /ирэх 12 сард/



Зураг 1-11. Хадгаламжийн хүүний талаарх хүлээлт /ирэх 12 сард/



Эх сурвалж : Монголбанк,иргэдийн хүлээлтийн түүвэр судалгаа

АЖ АХУЙ НЭГЖИЙН ИНФЛЯЦИЙН ХҮЛЭЭЛТ

2-Р БҮЛЭГ



ТҮҮВЭР СУДАЛГАА
2018 ОНЫ III УЛИРАЛ

2. Аж Ахуй Нэгжийн Инфляцийн Хүлээлт

ААН-ийн хүлээлтийн түүвэр судалгааг Дэлхийн банкны “САР” системд суурилан 2018 оны 8 дугаар сарын 24-ний өдрөөс 29-ний өдрүүдэд Улаанбаатар хотод үйл ажиллагаа эрхэлж буй нийт 376 бизнес эрхлэгчдийг санамсаргүй түүврийн аргачлалаар сонгон авч гүйцэтгэлээ. Түүвэр судалгаанаас дараах үр дүнгүүд гарлаа:

- ААН-үүд инфляцийн түвшинг i) чанарын хариултын хувьд **2018 оны эцэст 4.5%**, 2019 оны III улиралд 4.8%; ii) тоон хариултын хувьд **2018 оны эцэст 5.0%**, 2019 оны III улиралд 5.6%; iii) мэдрэмж (үнийн өсөлтийг мэдэрч буй байдал)-д суурилсан инфляцийн хүлээлтийн хувьд **2018 оны эцэст 4.5%**, 2019 оны III улиралд 4.4% байхаар тус тус хүлээж байна;
- ААН-үүдийн дунд төгрөгийн ханш чангарна гэсэн хүлээлт давамгайлж байна;
- ААН-үүд ирэх 6 сарын хугацаанд нийт эрэлт нэмэгдэж, борлуулалтын орлого өснө гэж хүлээж байгаа бөгөөд цалингийн түвшин ч мөн бага зэрэг өснө гэж хүлээж байна;
- Түүвэрт хамрагдсан ААН-үүдийн 28 орчим хувь нь үйл ажиллагаагаа өргөжүүлж, шинээр ажлын байр нэмэгдүүлэх төлөвлөгөөтэй ажиллаж байна;

2.1. Инфляцийн хүлээлт

Инфляцийн хүлээлтийн талаарх чиглэлийн индексээс харахад 2017 оны II улирлаас эхлэн бизнес эрхлэгчдийн инфляцийн хүлээлт үнийн түвшин хэвэндээ байна гэсэн мужид байна. Энэ нь ААН-үүд инфляцийг одоогийн түвшинд хадгалагдана гэж үзэж байгааг илтгэнэ /Зураг 1.1/.

Зураг 2-1. ААН-ийн үнийн өсөлтийн хүлээлт /чиглэлийн индекс, 12 сарын дараа/



Зураг 2-2. ААН-ийн инфляцийн хүлээлт /чанар болон тоон хариултаар/



Эх сурвалж: Монголбанк, ААН-ийн хүлээлтийн түүвэр судалгаа

¹-Өснө, буурна гэсэн хариултуудын зөрүүгээр чиглэлийн индексийг (тэнцлийн статистик) тооцно. Ингэхдээ ААН-үүдээс ирэх 12 сард үнийн өсөлт ямар байх талаар асууж, хариултуудыг [3;-1] байхаар нормчилж чиглэлийн индексийг тооцсон.

ААН-үүдийн хүлээлтийг тоон болон чанарын аргачлалаар тооцлоо. Чанарын хариултыг Карлсон-Паркины аргачлалд тулгуурлан тоон үзүүлэлт рүү шилжүүлж тооцоход бизнес эрхлэгчид инфляцийг 2018 оны IV улиралд 4.5%, 2019 оны III улиралд 4.8%-тай байхаар хүлээж байна.

ААН-ийн инфляцийн хүлээлтийг тоон утгаар асууж, хариултуудын жигнэсэн дундаж утгыг тооцон үзэхэд инфляцийг ирэх улиралд 5.0%, жилийн дараа буюу 2019 оны III улиралд 5.6%-тай байхаар таамаглаж байна. Ирэх оны инфляцийг 2-8 хувьд байна гэсэн хариултыг судалгаанд хамрагдсан ихэнх ААН-үүд өглөө /Зураг 2.3/.

Түүнчлэн өнгөрсөн үеийн мэдрэмжид суурилсан инфляцийн түвшин /perceived inflation² 2018 оны эцсээр 4.5%, 2019 оны III улиралд 4.4%-тай байхаар хүлээж байна /Зураг 2.2/.


Судалгаанд хамрагдсан ААН-ийн 83% нь 2018 оны эцэст инфляцийн түвшинг зорилтот түвшин болох 8%-аас бага байна гэж үзсэн бол 2019 оны III улиралд ААН-ийн 78% нь инфляци зорилтот түвшнээс доогуур түвшинд байна гэж хүлээжээ /Зураг 2.4/.

2.2. Валютын ханш, зээлийн хүүний хүлээлт


2018 оноос эхлэн ханшийн чиглэлийн индекс өсөх хандлагатай байгаа хэдий ч ханшийн чиглэлийн индекс төгрөгийн ханш чангарна гэсэн мужид хэвээр хадгалагдаж байна /Зураг 2.5/.

²-Монголбанкны Судалгааны Товхимол-7. “Инфляцийн хүлээлтийг тооцох арга, аргачлалыг өргөжүүлэх нь” сэдэвт судалгааны ажлаас дэлгэрэнгүйг харна уу.

Зураг 2-3. ААН-ийн инфляцийн хүлээлт /тархалт, тоон хариултаар/



Зураг 2-4. ААН-ийн инфляцийн хүлээлт /хуримтлагдсан тархалт, тоон хариултаар/



Зураг 2-5. Ирэх 12 сарын хугацаан дахь валютын ханшийн хүлээлт



Эх сурвалж: Монголбанк, ААН-ийн хүлээлтийн түүвэр судалгаа

2018 оны IV улиралд зээлийн хүүний чиглэлийн индекс өмнөх улирлаас бага зэрэг буурсан дүнтэй гарсан боловч өсөх мужид хадгалагдаж байна. Энэ нь ААН-үүдийн дунд зээлийн хүү ирэх 12 сарын хугацаанд өснө гэсэн хүлээлт давамгайлж байгааг илтгэнэ /Зураг 2.6/.

2.3. Аж ахуй нэгжийн үйл ажиллагаа

ААН-үүд өнгөрсөн 6 сарын хугацаанд бүтээгдэхүүн, үйлчилгээний эрэлт харьцангуй тогтвортой байсан гэж үзжээ. Харин ирэх 6 сарын хугацаанд борлуулж буй барааны эрэлт нь нэмэгдэнэ гэсэн хүлээлттэй байна /Зураг 2.7/.

ААН-үүдийн хувьд үйл ажиллагаагаа тэлэх орон зай үүсч, улмаар ирэх 6 сарын хугацаанд ажлын байрыг бага зэрэг нэмэгдүүлэх төлөвлөгөөтэй байна. Мөн цалинг ирэх 6 сарын хугацаанд бага зэрэг нэмэгдэнэ гэж хүлээж байна /Зураг 2.8/.


Судалгаанд оролцогч бизнес эрхлэгчдийн 28% нь ирэх 6 сарын хугацаанд үйл ажиллагаагаа өргөжүүлэхээр төлөвлөж байгаа бөгөөд дийлэнх ААН-үүд санхүүжилтээ банкны зээлээр (46%) болон өөрийн хөрөнгөөр (28%) бүрдүүлнэ гэж хариулжээ /Хавсралт 2-3/.

Тайлбар: Индекс $[-1;1]$ завсарт утгаа авна. $[0;1]$ өснө, $[0]$ өөрчлөгдөхгүй, $[0;-1]$ буурна.

Зураг 2-6. Ирэх 12 сарын хугацаанд зээлийн хүүний хүлээлт



Зураг 2-7. Бүтээгдэхүүн, үйлчилгээний эрэлт /өнгөрсөн 6 сар болон ирэх 6 сард/



Зураг 2-8. Ирэх 6 сарын хугацаанд ажлын байр болон цалингаа нэмэгдүүлэх эсэх



Эх сурвалж: Монголбанк, ААН-ийн хүлээлтийн түүвэр судалгаа

ДҮГНЭЛТ, ХАВСРАЛТ

3-Р БҮЛЭГ



ТҮҮВЭР СУДАЛГАА
2018 ОНЫ III УЛИРАЛ



3. ДҮГНЭЛТ

3.1. Иргэдийн инфляцын хүлээлтийн түүвэр судалгааны дүгнэлт

Судалгааны үр дүнгээс харахад иргэд 2018 оны IV улиралд инфляцийг 4.6% /тоон хариултын хувьд/, 5.9% /мэдрэмжид суурилсан/, 8.4% /чанарын хариултын хувьд/ тус тус байхаар хүлээж байна.

Судалгаанд хамрагдсан иргэдийн 86% нь 2018 оны эцэст инфляцийн түвшинг зорилтот түвшин болох 8%-аас хэтрэхгүй гэж хүлээж байна

2017 оны I улирлаас хойш иргэдийн дунд эдийн засгийн байдал сайжрахын хэрээр өрхийн санхүүгийн байдалд эерэг нөлөө үзүүлнэ гэсэн хүлээлт үргэлжилж байна.

3.2. Аж ахуй нэгжийн инфляцын хүлээлтийн түүвэр судалгааны дүгнэлт

ААН-ийн инфляцийн хүлээлтийн санал асуулгын дүнгээр ААН-үүд 2018 оны эцэст инфляцийг 4.5% /чанарын хариулт/, 4.5% /мэдрэмжид суурилсан/, 5.0% /тоон хариулт/ тус тус байхаар хүлээж байна.

ААН-ийн 83% нь 2018 оны эцэст инфляцийн түвшинг зорилтот түвшин болох 8%-аас доогуур байна гэж хүлээж байна.

Судалгаанд хамрагдсан ААН-үүдийн дийлэнх нь ирэх 12 сарын хугацаанд төгрөгийн ам.доллартай харьцах ханшийг чангарна гэж таамаглаж байна.


Ирэх 6 сарын хугацаанд нийт эрэлт нэмэгдэж, борлуулалтын орлого өснө гэж хүлээж байна. Бизнес эрхлэгчид ирэх саруудад үйл ажиллагаагаа тэлэх орон зай үүсч байна гэж харж байгаа бөгөөд цалингийн түвшинг өсгөж, ажлын байрыг нэмэгдүүлэх төлөвлөгөөтэй ажиллаж байна.




ХАВСРАЛТ 1.

Судалгаанд оролцсон нийт иргэдийн 60% нь эмэгтэй, 40% эрэгтэй бөгөөд насны байдлаар нь авч үзвэл 31% нь 18-25, 25% нь 26-35, 20% нь 36-45, 13% нь 46-55, 11% нь 56-аас дээш гэсэн насны ангилалд хамрагдаж байна. /Хавсралт 1-1, Хавсралт 1-2/

Хавсралт 1-1. Хүйс




Хавсралт 1-2. Нас




Мөн судалгаанд оролцогчидийн 43% нь бүрэн дунд, 50% нь дээд боловсролтой бөгөөд тэн хагас нь сард 700.000 төгрөгөөс их зардал гаргадаг байна.

Хавсралт 1-3. Боловсролын түвшин




Хавсралт 1-4. Сарын дундаж зардал



Эх сурвалж : Монголбанк,иргэдийн хүлээлтийн түүвэр судалгаа

Хавсралт 1-5. Түүвэр судалгаа авсан газарзүйн тархалт





ХАВСРАЛТ 2.

Судалгаанд хамрагдсан нийт 376 аж ахуй нэгж, байгууллагуудыг өмчлөлийн хэлбэрээр авч 174 (46%) нь хязгаарлагдмал хариуцлагатай компани, 151 (40%) нь бусад хэлбэрийн, 28 (7%) нь хувьцаат компани, 14 (4%) нь нөхөрлөл болон үлдсэн 9 (3%) нь өөр бусад төрлийн өмчлөлийн хэлбэртэй байгууллагууд байлаа (*Хавсралт 2-1*).

Хавсралт 2-1. Аж ахуй нэгжийн тоо /өмчлөлөөр/

Аж ахуйн нэгжийн хэлбэр	тоо	хувь
Хязгаарлагдмал хариуцлагатай компани	174	46%
Нөхөрлөл	14	4%
Хоршоо	9	2%
Хувьцаат компани	28	7%
Төрийн өмчит үйлдвэрийн газар	0	0%
Бусад	151	40%
НИЙТ ДҮН	376	100.0%

Аж ахуйн нэгжүүдийг эдийн засгийн салбаруудаар ангилан авч үзвэл нийт 376 ААН-ээс үйлчилгээ эрхэлдэг 50%, бөөний болон жижиглэнгийн худалдаа эрхэлдэг 32%, боловсруулах үйлдвэрлэлийн үйл ажиллагаа эрхэлдэг 3% болон бусад төрлийн үйл ажиллагаа эрхэлдэг 9% байна (*Хавсралт 2-2*).

Хавсралт 2-2. Аж ахуй нэгжийн тоо /салбараар, ажилтны тоогоор/

Салбарын ангилал	Ажилчдын тоо /бүлгээр/					Бүгд
	< 10	11–19	20–49	50–100	101 <	
Хөдөө аж ахуй	1%	0%	0%	0%	0%	2%
Уул уурхай, олборлох	0%	0%	0%	0%	0%	1%
Боловсруулах үйлдвэр	2%	0%	1%	0%	0%	3%
Барилга	1%	0%	1%	0%	0%	3%
Б/Ж худалдаа	29%	2%	1%	0%	0%	32%
Үйлчилгээ	41%	6%	2%	1%	0%	50%
Тээвэр	1%	0%	0%	0%	0%	1%
Бусад	6%	1%	1%	0%	0%	9%
НИЙТ ДҮН	81.4%	10.0%	5.9%	0.9%	1.7%	100%

Эх сурвалж: Монголбанк, ААН-ийн хүлээлтийн түүвэр судалгаа



Судалгаанд хамрагдсан нийт 376 аж ахуй нэгж, байгууллагуудын дийлэнх буюу 81.4% нь 9 хүртэл ажилчинтай, 10% нь 10-19 ажилчинтай, 5.9% нь 20-49 ажилчинтай, үлдсэн 2.6% нь 50-с дээш ажилчинтай аж ахуй нэгжүүд хамрагджээ (*Хавсралт 2-2*).

Судалгаанд оролцогч ААН-үүдийн дийлэнх буюу 72% нь ирэх 6 сарын хугацаанд компанийнхаа үйл ажиллагааг өргөжүүлэх төлөвлөгөөгүй байна гэж хариулжээ. Харин бизнес эрхлэгчдийн 28% нь ирэх 6 сарын хугацаанд үйл ажиллагаагаа өргөжүүлэхээр төлөвлөж байгаа бөгөөд үүний тулд ихэнх ААН банкны зээлээр (46%) болон өөрийн хөрөнгөөр (28%) санхүүжүүлнэ гэж хариулсан байна /*Хавсралт 2-3*/.

Хавсралт 2-3. Ирэх 6 сарын хугацаанд үйл ажиллагааг өргөжүүлэх эсэх

Санхүүжилтийн хэлбэр	Үйл ажиллагаагаа өргөжүүлэх үү?	
	Тийм	Үгүй
Банкны зээлээр	46%	
Компанийн өөрийн хөрөнгөөр	28%	
Хувьцаа гаргах	4%	
Гадаад эх үүсвэрээр	0%	
Бусад санхүүгийн байгууллагын эх үүсвэрээр	3%	
Тэтгэлэг, тусламжаар	3%	
Хувь хүнээс зээлэх	4%	
Бусад	11%	
НИЙТ ДҮН	28%	72%

Эх сурвалж: Монголбанк, ААН-ийн хүлээлтийн түүвэр судалгаа

Хавсралт 2-4. Түүвэр судалгаа авсан газарзүйн тархалт

